



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanvelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofurti, 1684

Adam Terræ Filius. Ænigma.

urn:nbn:de:hbz:466:1-38349

ADAM TERRÆ FILIUS.

ÆNIGMA.

Siste gradum viator; mira leges,
Hic ille jaceo, per quem omnes jacent.
Natalis mihi Sedes Damascus,
Licet in Creta nato.
Creticum quippe signum dum instituor.
Ex Typo Prototypo fio.
Ut hominem me verè dicas fictum & verum:
Cælo natum ex cæno.
Nec orbus, nec posthumus fui.
Sed Patris expers:
Vel fecit me Pater, non genuit.
Matrem habui, quæ me habet.
Lignea Nutrix, sine lacte,
Virum me aluit, non Puerum.
Filiam non filiam Uxorem duxi.
Quæ simul nata, & nupta,
Uno partu Nepotem mihi & Liberum, genuit.
Rex sine urbibus, dives sine auro,
Sine magistro eruditus, ludum aperui.
Tot nactus auditores, quoë homines.
Heu stolida sapientiæ famæ!
Cum omnia scirem, ut plura scirem, despere cœpi.
Vonorum sapientissimus dementor à fœmina.
Quæ male-suada:
Pomum, cœlesti interdicto circumscriptum, attingens;
Beatæ Sylvæ fructus dum carpo,
Sylvam armitto.
Itaque cum profugâ conjugé.
Ex Rege Agricola.
Quia Numen non colui, Terram colui,
Hoc uno concordes conjuges,
Quod uno juncti jugo.
Matris uterum tamdiu secuimus,
Donec utero nos recepit,

A 2

Itaque

MUNDI

Itaque me uxor immortalem peremit,
Uxorem ego; uterque omnes.
Ah, quam de minimo perivimus!
Tantum malum attulit malus.
Cujus frondibus obvolutus Anguis,
Venenum vomuit, omnes hauserunt.
Tuus ergo Genitor, sed nunquam visus,
Te peremti antequam gignereim.
Sed, o letas malorum vices!
Ligno eodem reparatus, quo peri,
Indidem venenum traxi, & medclam.
Unâ in arbore ego deliqui, multatus est Deus.
Cujus à cæderedivivus,
Superos petii, cum Inferos petiit.
Minus egeram nisi peccasset.
Nomen flagitas?
Quatuor Mundi plagarum nomina ab Græcis pete,
Anatole. Dysis. Arctos, Mesembria:
Abscissa nominum capita junge; nomen habebis;
Ecubui cognati mihi Mundi Anno
○ MXXX.
Surrexi post Annos
M. M. M. M. CC XXXII.
Gaude viator, ac perge.

CAIN
ADAMI FILIUS.
EPITHAPIUM.
Huc mala verba, Viator.
Perditorum Princeps tales poscit inferias.
Hic avarus Agricola, felicis Frater Pastoris,
Pejores fruges Aris imponens, omnes amisit;
Et ingratus Deo Sator, ingrata sibi Sata deprehendit.
Itaq; mordaci consumtus invidia,
Quod Abeli Hostiis felicius succederet;
Ne fratres Victimæ litarent, Victimam fecit Frater.
Primus hic flagitorum institor,
Mortem invenit, & inyexit.
Horruit Mors expiandis sceleribus nata,